

maticam Iurisprudentiam Lusatiae commonstrarit. Nam, hoc
duce, licet iam de *Sexcentis* amplius ex annorum serie colloca-
tis et nostrae et vicinae Lusatiae *diplomatibus* accuratius cog-
noscere, veriusque iudicare.

§. V.

In infinita autem tabularum Saxonicarum abundantia, quo
quasi mari, veluti parvam quandam insulam Lufaticas circum-
fusas cernis, mihi quidem placuit, eoque sum usus adolescens,
vt relata quaeque SCHÖTTGENIO patriae monumenta peculiari
libello mandarem. Quibus selectis hoc assequabar, vt nec di-
utius in iis conquirendis fluctuarem tempusque perderem, nec,
quod SCHÖTTGENIO, de omni Saxonia cogitanti, satis visum
fuerat, mihi non item, prouinciam exiguam valde arctique
circumscriptam perspicere cupienti, his cogerer esse contentus,
quae in publicum aut doctorum hominum diligentia, aut pro-
uincialis iuris usus proponenda curauerat; sed vt liberius etiam
alia adderem praetermissa, alia delerem falso commemorata,
alia denique, impune corrigerem, cum in meo regno esse, me-
aque ipse reprehendere existimarer. Sic ferenda nominis
haud erat commutatio, qua MARTINI MYLII *Annales Gorlicenses*,
semper SCHÖTTGENIO c), MEISTERI appellentur. Etsi enim, HOFF-
MANNO auctore d) primam MYLII Annalibus, ab eodem editis e),
manum admouisse dicatur IOACH. MEISTERVS; perfecit tamen et
absoluit MYLIVS opus, indeque natum opinor errorem, quod
apud HOFFMANNVM scribae negligentia, summae paginae, MAR-
TINI MEISTERI nomen praeferant, aperto deprauationis indicio,
cum non a MARTINO, sed a IOACHIMO nominatus sit MEISTERVS.
Haberem hic omnino, quod contradicerem, si aut MYLII, aut
MEISTERI in laudatis Annalibus magnopere celebraretur diligen-
tia et assiduitas. Haec enim mea est de illo libello sententia,
paul-

c) Inuentar. Diplom. p. 434. p. 482. p. 589. p. 609. p. 616. d) in Scriptor. P. II. p. 2-94. e) laud. Scriptor. T. I. f) L. VI. inprimis et L. VII. Commentar. g) in Arbeiten einer